

摘藻堂四庫全書薈要

史部

欽定四庫全書叢要

史部

欽定大清通禮卷

四至  
七

詳校官編修臣繆晉

欽定四庫全書薈要卷八千三百三十四

欽定大清通禮卷四

吉禮



奉先殿

致祭

奉先殿之禮

國家崇建

奉先殿於

景運門之東祇奉

列聖

列后神位日獻食月薦鮮朔望朝謁時節展拜出入啟告

恭遇

聖誕忌辰及諸令節慶典則於

後殿上香行禮恭遇

皇太后萬壽

皇帝萬壽元旦冬至及

國有大慶則奉請

神位於前殿祭饗

皇帝親饗

奉先殿前期三日

皇帝齋執事各官咸致齋前一日內務府掌儀司官進

祝版

祝文隨  
事撰擬

於

神庫割牲瘞毛血潔治祭品各如儀屆日昧爽內監

啟

寢室神龕執事官公服入

殿然炬明鐙具登鉶簋簠豆之實陳於案各以其序

殿中少西北向設祝案東西序各設尊案分陳香

盤奉先制帛

皇后祔  
饗用素帛

尊爵篚幕勺具均如

太廟時饗儀司祝司香

以內務  
府官充

司帛司爵

以侍  
衛充

各以其職

為位樂部率太常協律郎陳中和韶樂於殿階上  
分東西懸樂舞在其次司祝詣

神庫祝案前跪三叩恭奉祝版興贊禮郎二人引由

奉先門中門入

殿中門跪安於祝案三叩興退內務府官省齋畢分詣  
後殿寢室前跪上香三叩興恭奉

列聖

列后神位以次行如遇

皇后祔饗內務府官上香行禮恭奉

神位隨行內監執鐙左右導引至

前殿入中門以次奉安於

寶座

列聖

列后位均南向

皇后祔位東位西向奉安畢詣各香案前跪叩如初儀

司拜褥官豫布

皇帝拜褥於

殿門內正中及各

神位前內監設盥盤於



奉先門左階下屆時掌儀司官詣

乾清門告時侍衛轉奏

皇帝補服乘輿出宮前引後扈如常儀出

景運門至

誠肅門降輿贊引對引太常寺卿二人恭導

皇帝入

奉先左門內監跪奉盥盤帨巾如儀

皇帝盥畢贊引對引恭導

皇帝陞左階入

殿左門詣拜位前北向立豹尾班侍衛止立階下前引大臣止立階上均東西面後扈大臣隨入僉立於皇帝拜位後左右典儀贊樂舞生登歌執事官各共迺職武舞執干戚進贊引奏就位

皇帝就位立典儀贊迎

神司香奉香以次進至各案前祇俟司樂贊舉迎

神樂奏貽平之章

樂辭詳見廟時饗儀後倣此

太樂作贊引奏詣香

案前暨對引官恭導

皇帝詣

太祖高皇帝香案前對引官至祝案前止立司香跪贊引

奏跪

皇帝跪奏上香司香進香

皇帝上炷香三上瓣香興以次詣

列聖案前上香如前儀畢贊引奏復位暨對引官恭導

皇帝復位立贊引奏跪拜興

皇帝行三跪九拜禮興贊引恭導

皇帝詣

皇后香案前司香跪進香

皇帝立上香畢恭導

皇帝復位立樂止典儀贊奠帛爵行初獻禮司樂贊舉  
初獻樂奏敔平之章樂作舞干戚之舞有司揭尊  
罍勺挹酒實爵司帛司爵以次進至各

神位前司帛跪獻篚奠於案三叩興司爵立獻爵奠於壺

中各退樂暫止司祝詣祝案前跪三叩興奉祝版  
跪案左贊引奏跪

皇帝跪贊讀祝司祝讀祝畢興奉祝版跪安

神位前簏內叩如初退樂作贊引奏拜興

皇帝三拜興樂止武功之舞退文舞執羽籥進典儀贊  
行亞獻禮司樂贊舉亞獻樂奏敷平之章樂作舞  
羽籥之舞司爵詣各

神位前獻爵於左如初儀樂止典儀贊行終獻禮司樂贊

舉終獻樂奏紹平之章樂作

舞同  
亞獻

司爵詣各

神位前獻爵於右如亞獻儀樂止文德之舞退典儀贊徹饌司樂贊舉徹饌樂奏光平之章樂作徹畢樂止贊禮郎一人趨至

神位前北面跪奏禮畢請

還寢室三叩退司樂贊舉

還宮樂奏又平之章樂作贊引奏跪拜興

皇帝行三跪九拜禮畢樂止典儀贊奉祝帛送燎司祝

司帛咸詣

神位前跪三叩奉祝帛興司香跪奉香興以次恭送燎所  
皇帝轉立拜位東旁西向司拜褥官徹拜褥俟祝帛過

仍布

拜褥

皇帝復位立贊引奏禮成暨對引官恭導

皇帝出殿左門降階由

奉先左門出至

誠肅門外陞輿還宮導從如來儀內務府官恭奉

神位還寢室上香行禮與迎

神同所司徹祭器內監闔門各退

右親饗

若遣

皇子祭饗

前殿祭前諸儀屆日

殿內外陳設均與

親饗同



皇子拜位在

殿檻外正中設盥盤於右階下

皇子夙興補服步行至

誠肅門掌儀司贊禮郎二人前導

皇子由

奉先右門入至西階下盥手升階詣拜位前行禮迎  
神上香出入殿右門祝帛送燎

皇子避立西旁東面禮成仍自西階降出

誠肅門還宮各退

遣王公內大臣祭饗儀節均與

皇子同

右遣官祭饗

皇帝因事親告

奉先殿前期致齋進祝版如儀屆日所司入

後殿明鐙設祝案尊案薦脯醢果實如

太廟中殿祇告儀內監啓

神龕設盥盤司拜褥官布拜褥均如儀掌儀司官詣

乾清門奏請

皇帝補服乘輿出宮導引翊衛如儀  
駕至誠肅門降輿贊引對引恭導入

奉先門循

前殿東至

後殿左階下前引大臣侍衛均止立

皇帝盥內監奉盥奉巾如儀畢恭導

皇帝陞左階入

殿左門詣拜位前北向立後扈大臣僉立於後乃行祇

告禮迎

神上香讀祝奠獻望燎行禮儀節均與

親饗同惟不設樂懸樂舞禮成贊引對引恭導

皇帝由

奉先左門出至

誠肅門外陞輿還宮內監闔門衆各退

右親詣祇告

皇帝遣

皇子暨王公大臣祇告

後殿出入由右門升降均由西階內務府官贊禮讀祝  
與遣官致祭

前殿禮同餘均如

親告儀

右遣官祇告

每月朔望

列聖聖誕

列聖

列后忌辰及上元清明霜降歲除日恭遇

皇帝親詣

後殿上香行禮是日所司詣

後殿寢室前陳酒脯果實鑪鐙具司香官執事殿內掌

儀司官請

駕如儀

皇帝補服

忌辰素服

乘輿出宮內務府總管前導至

誠肅門降輿入恭導

皇帝詣

後殿各案前上香行禮儀與

前殿上香同禮畢恭導

皇帝還宮各退若遣官上香贊事以內務府贊禮郎升  
降出入均於右餘陳設同

右親詣上香

立春端陽重陽等節掌儀司官入

後殿明鐙內監啓

寢室神龕案陳酒脯果實掌儀司官一人補服詣各案前  
上香行三跪九叩禮如儀四月八日七月望日陳  
素果不設酒脯餘同

右遣官上香

列聖



列后升祔

奉先殿之禮前期內務府敬製

升祔神位於

神庫既成內務府總管上香行禮如儀

欽簡奉

后主大臣一人前三日掌儀司官入

後殿陳設

寢室前神龕香案

寶倚

寶牀揮施及帷幔衾枕鑪擎供器如事生之儀屆日掌儀

司官詣

前殿陳設

寶座每案陳祭器設香帛尊爵鑪鐙具樂部陳樂懸樂舞

奉

后主大臣及執事官皆公服祇俟內監設盥盤於

神庫門外之東司拜褥官豫布

后主祇見拜位於殿中布

皇帝拜位於稍後其日升祔

太廟禮成

皇帝還宮釋禮服更補服禮部尚書詣

乾清宮奏請

皇帝乘輿出宮前引後扈如常儀掌儀司官詣  
後殿

寢室前上香行禮恭奉

列聖

列后神位奉安於

前殿

寶座跪叩如儀

駕至誠肅門降輿贊引對引太常寺卿二人恭導

皇帝詣

神庫門外東盥手如儀入門詣

帝主

后主神位前上香行三拜禮奉

后主大臣於門外隨行禮畢

皇帝近前跪恭奉

帝主興前行奉

后主大臣趨入

神庫門詣前跪恭奉

后主興隨行贊引對引恭導

皇帝入

奉先左門

前引大臣止

陞東階

後扈大臣侍衛均止

進

殿中門奉安

帝主於寶座上退及案前跪三叩興贊引對引恭導

皇帝就拜位立贊引北面跪奏

皇后

恭宣后主尊諡

升祔

奉先殿祇見

皇帝

恭宣帝主尊諡

奉

后主大臣恭奉

后主跪安於祇見位興趨出

殿西門贊引奏跪拜興

皇帝恭代行三跪九拜禮興進前跪恭奉

后主興奉安於

寶座退及案前跪三拜興復位乃行大饗禮迎

神上香讀祝奠獻望燎諸儀節均與常饗同禮畢贊引對

引恭導

皇帝出

奉先左門至

誠肅門外陞輿還宮引扈如來儀掌儀司官恭請

神位還

御寢室上香行禮如初迎儀執事官徹藏祭器內監闔門

衆各退

皇后升祔

奉先殿之禮前期所司敬製

神位於



殯宮配殿製

寶座龕案於

神庫既竣諏吉行題

主禮以

神輿恭奉回京升祔前一日

皇帝親詣

奉先殿祇告如儀屆日

神輿由

東華門入

皇子從王公以下文武百官朝服會門外跪迎候過  
興內務府官豫詣

前殿陳設

寶座具案陳恭請

列聖

列后神位奉安行禮均如儀司拜褥官豫布祇見拜褥於

殿中

神輿至

誠肅門止贊引對引官二人導

皇子詣輿前跪行三叩禮輿恭奉

神位由

奉先左門入進殿中門奉安於祇見位少退立贊引跪奏

皇后

恭宣

尊謚

升祔

奉先殿祇見

列聖

列后

皇子恭代行三跪九叩禮畢進前跪恭奉

神位興贊引贊

賜坐

皇子奉

神位奉安於

寶座跪三叩興退乃行大饗禮祭畢恭請

神位還

御寢室上香行禮均如常儀

右升祔

欽定大清通禮卷四

欽定四庫全書薈要卷八千三百三十五

欽定大清通禮卷五

吉禮

陵寢

皇帝親謁

列聖

列后

陵寢之禮

命下徧布諸司供備諏吉起

鑾前一日遣官祇告

奉先殿如常儀謁

陵前期有司潔除

陵内外屆日

皇帝御素服乘輿出

行宮羣臣素服隨從

駕至



陵於

隆恩門外降輿王以下各官至下馬碑稍遠咸降騎禮  
部尚書侍郎二人導

駕由

隆恩門左門入

陵寢門左門奉爵大臣暨

欽命隨入之大臣扈從王公百官止立門外

皇帝至

寶城祭臺前西向立司拜褥官豫布拜褥於臺北正中禮部尚書侍郎恭導

皇帝就位北向行三跪九拜禮不贊鴻臚寺官引王公百官於

陵寢門外按左右翼列班重行北面隨行禮畢有司設奠几酒壘於拜位正中

皇帝詣几前北向跪羣臣皆跪奉爵大臣跪進爵

皇帝三奠酒每奠率羣臣行一拜禮興西向舉哀羣臣

東西面序立咸舉哀畢禮部尚書侍郎導

駕出

隆恩門左門陞輿還

行宮扈從如來儀羣臣皆退凡詣

陵展謁儀並同

右親謁

皇太后

皇后謁

陵

皇太后至降輿處降輿

皇后

妃

嬪公主以下隨降輿守

陵女官二人恭導

皇太后

皇后至

寶城明樓前北向行六肅三跪三拜禮

妃

嬪公主等位

皇后之後隨行禮興執事女官進奠几於正中

皇太后詣位跪奠酒三爵每奠行一拜禮西向舉哀

皇后

妃

嬪公主以下隨行禮舉哀畢女官恭導以出乘輿還

行宮

右后妃謁奠

歲清明中元冬至除夕

列聖

列后忌辰及

國有大慶皆大饗於

隆恩殿恭遇

皇帝親謁行禮前期

陵寢奉祀官潔備牲帛器數翰林院具祝文

隨事撰擬

授太常

寺官奉安潔室居日工部官張幄次於

隆恩門外之東執事官素服入

隆恩門西門詣

隆恩殿燃炬明鐙具器陳於案

帝

后皆同案每案牛一羊二尊四鑪鐙具每位奉先制帛一

羹飯脯醢十有八器餅餌果實六十有五器

夏則薦瓜

茶盃一爵三

有七

一筋二凡牲實俎帛實進尊實

酒承以舟疏布幕勺具如遇

皇貴妃祔饗位於西旁東向用素帛一餅餌果實減  
十有一器餘同陳設畢內監啓

寢室神龕禮部尚書詣

行宮告時

皇帝御素服乘輿出

行宮扈從大臣侍衛翼衛如常儀



駕至

隆恩門外降輿贊引對引太常寺卿二人恭導

皇帝入大次少俟內府奉祀官恭請

神位奉安於

寶座如儀鴻臚寺官引王公於

隆恩門外兩廂前祇俟陪祀各官豫入至

隆恩殿階下按翼祇俟禮部尚書告奉安

神位畢奏請行禮

皇帝出次盥洗鑾儀衛官跪奉盥奉巾如儀司拜褥官  
豫布拜褥於殿門內正中贊引對引恭導

皇帝由

隆恩門左門入陞左階入殿左門西向立鴻臚寺官引  
王公於階上引百官於階下東西面立內府官獻  
茶於各案如儀畢典儀贊執事官各供迺職贊引  
奏就位恭導

皇帝就正中拜位前北向立鴻臚寺官引王公百官咸

就拜位立重行北面東位西上西位東上贊引對  
引恭導

皇帝詣香案前贊引奏跪

皇帝跪羣臣皆跪奏上香司香跪奉香

皇帝上炷香三上辦香興奏復位

皇帝復位立奏跪拜興

皇帝行三跪九拜禮王公百官均隨行禮興典儀贊奠

帛爵行初獻禮司帛奉篚司爵奉爵以次詣各

神位前司帛跪奉篚奠於案三叩興司爵立獻爵奠於塾  
中各退司祝詣祝案前跪三叩興奉祝版跪案左  
贊引奏跪

皇帝跪羣臣皆跪贊讀祝司祝讀祝畢興奉祝版跪安  
神位前篚內叩如初退贊引奏拜興

皇帝率羣臣行三拜禮興典儀贊亞獻司爵獻爵於左  
如初獻儀贊三獻司爵獻爵於右儀如亞獻畢贊  
引奏跪拜興

皇帝率羣臣行三跪九拜禮典儀贊送燎司祝司帛詣神位前咸跪三叩司祝奉祝司帛奉篚興司香跪奉香司爵跪奉饌興以次由中道出恭送燎所

皇帝轉立拜位東旁西向司拜褥官徹拜褥王公百官

退避側立東西面踈祝帛過

仍布拜褥

皇帝復位立贊引奏望燎暨對引官恭導

皇帝詣望燎位望燎贊引奏禮畢恭導

皇帝出殿左門降東階入

陵寢左門至

明樓前

皇帝西向立舉哀鴻臚寺官引王公百官東西序立於

陵寢門外咸舉哀

遇冬至及慶  
典致祭不舉哀畢導

駕出

隆恩門左門外陞輿還

行宮執事官恭請

神位還御寢室衆皆退

右親祭

遣官祭饗於

隆恩殿承祭官及陪祭執事各官咸朝服將事

忌辰素服

屆日

奉祀官陳設俎豆進祝版內監入殿啓

寢室神龕禮部贊禮郎預引陪祭官先詣階下東西序立  
祇族內府官奉安

神位畢乃引承祭官入

隆恩門右門升西階就正中拜位立陪祭官各就拜位

立承祭官上香升降均由西階出入殿右門祝帛  
送燎避立西旁餘行禮儀節均與

親饗同禮成內府奉祀官恭奉

神位還御承祭官及各官出易素服蒞徹饌畢闔門承祭  
官立

隆恩門外左階上西面各官序立階下東西舉哀各退  
冬至暨

慶典祭畢不舉哀餘同



右遣官致祭

恭遇

皇帝時巡

盛京祇謁

祖陵啓

鑾前一日

親告於

奉先殿如儀

駕發陳

騎駕鹵簿不作樂在京王公百官常服跪送

御道所經守土官常服跪迎

盛京文武官朝服出境迎候朝鮮國王遣其陪臣奉  
表

起居

駕至

興京

盛京

祖陵均行展謁禮

皇太后

皇后

妃

嬪恭謁各如儀翼日率羣臣朝服

親饗於

享殿祭畢易素服入

陵寢門舉哀乃

親奠親藩功臣之墓並

遣官徧祭近

陵

妃園寢宗藩祖塋勲臣祠墓

陞崇政殿受賀

儀詳嘉禮

燕賚官兵有差

鑾輿旋蹕

盛京各官朝服跪送

御道所經守土官及在京王公百官朝服跪迎禮成  
親告於

奉先殿如儀越日禮部疏請行慶賀禮

詳朝賀儀

右謁祭

祖陵

恭遇

皇帝詣

皇后陵寢

皇帝乘輿入中門

禮部尚書侍郎不導引

循

享殿左至

明樓前階下降輿陞階西向坐奠酒扈從王公百官鴻

臚寺官引於大門外按翼重行北面行三跪九叩

禮

皇帝奠酒時行禮舉哀各退

恭遇

皇太后率

皇后

妃

嬪致奠

皇太后由中門入至

明樓前降輿西向坐奠酒

皇后以下降輿行禮如謁各

陵儀

如遇

皇后忌辰及清明中元冬至歲暮

國有慶典遣官致祭於

享殿是日執事官入殿具器陳於案畢退出司祝奉祝版至殿中門外內監接奉跪安於祝案三叩司祝於門外之左隨行禮內監啓

寢室神龕尚茶於中門外獻茶內監接奉茶奠於案屆祭時引贊官二人引承祭官就拜位司香內監奉香盤進引贊引承祭官至殿右門引贊官止承祭



官入右門引贊趨至中門外左右贊上香畢承祭  
官出殿右門引贊仍引至拜位行三跪九叩禮初  
獻內監奠帛獻爵如儀司祝進至中門之左跪內  
監詣祝案前三叩奉祝版跪授司祝司祝三叩接  
奉讀畢仍授內監跪安於籩內三叩司祝隨行禮  
亞獻三獻如初獻儀祝帛送燎內監二人詣案前  
司祝司帛於門外各行一跪三叩禮內監奉祝授  
司祝奉帛授司帛咸接以興恭送燎所禮成奉請

神位還御

寢室乃徹餘均如各

陵祭儀

右

皇后陵寢祭奠

歲季春清明節敷土於

寶城之禮先一日

陵寢工部官進懸楮錢寶樹一座奉安於

隆恩殿內東旁

歲暮昇  
出焚燎

取潔土貯筐以竢屆日遣官素服

將事贊禮郎二人一人導引一人荷土簣隨行至

方城前衆皆止遣官荷土循

明樓西磴道升

方城至石欄西以土合於一筐奉筐恭升

寶頂跪敷土於正中降以筐授贊禮郎引出易朝服詣

隆恩殿致祭如儀若恭遇

皇帝親詣行禮是日

皇帝素服禮部尚書太常寺卿導

駕入

陵寢左門後扈內大臣隨侍王公大臣二人恭荷土筐隨

行

皇帝進至

方城前工部尚書侍郎恭進護履

皇帝納履恭荷土簣扈從王公大臣前後翼衛導駕官

恭導

皇帝由

明樓東磴道陞至

方城石欄東王公大臣以土合於一筐跪進

皇帝受筐衆皆止

皇帝奉筐陞

寶頂跪敷土正中畢降授筐筐脫履導駕官恭導

皇帝出

隆恩門入大次踈奉安

神位畢行時饗禮

右敷土

列聖聖誕日奉祀官詣

陵埽除拂拭陳列酒果上香行三跪九叩禮

右聖誕

萬壽聖節守

陵王公大臣分詣行禮每案陳果十有二盤每位爵三帛

一讀祝奠獻唱贊行禮同時饗儀

右萬壽節

月朔望日執事人夙興詣

陵拂拭神龕展帷幔每案陳熟羊一果十有二盤每位爵

三守陵官上香奠獻行三跪九叩禮

十月朔唱贊餘不贊

畢

徹退

右朔望謁奠

因事祇告

陵寢遣官各一人將事

帝

后同案每案陳果實十二盤羊一位爵三奠獻讀祝行

禮與時饗同

右祇告

皇帝遣

皇子謁

陵之禮

皇子至下馬牌降輿馬奉祀禮部官導引至



隆恩門外升左階行三跪九叩禮

不贊

畢西面舉哀不奠

酒哀止引退如來儀若展謁於

陵寢門外禮部官引至

隆恩門左門止內務府奉祀官導引

皇子入至

陵寢左門外行禮如儀祭

陵日

皇子蟒袍補服由

隆恩門右門進至階上虛中位於左行禮陳設贊引奠  
獻如遣官時饗儀親王郡王貝勒貝子宗室公謁  
陵奉祀禮部官引詣

隆恩門階上按左右翼行三跪九叩禮

不贊

右皇子謁陵

文武三品以上官奉

命出使道過

陵寢由奉祀禮部官引至大門外北面行三跪九叩禮

不贊

遇時祭則入陪祀官之列按翼隨行禮歸時展謁  
亦如之

右羣臣恭謁

妃園寢及

皇太子園寢四時遣官祭奠行二跪六叩禮

贊不出入

殿左門餘讀祝奠獻諸儀節與

陵寢時饗同

右園寢致祭

欽定四庫全書

欽定大清通禮  
卷五

欽定大清通禮卷五

欽定四庫全書會要卷八千三百三十六

欽定大清通禮卷六

吉禮

社稷

歲祭

社稷之禮以春秋仲月日用上戊先三日禮部尚書一人詣犧牲所眡牲如儀

右眡牲

致齋

書祝版

祗割牲

祗祝版

儀均與北郊同

先一日太常寺卿率屬潔壇敷五土如其方色恭設

神座

太社位右

太稷位左皆北向

后土勾龍氏位東西向

后稷氏位西東向

右敷土設神座

祀日五鼓太常寺卿率屬入壇然炬明鐙具器陳  
於案各以其序

太社

太稷皆牛一羊一豕一豮一釧簠簋各二籩豆各十有

二鑪一鐙二

配位同壇下設三案一少西南向供祝版一東次西

向陳香盤二一西次東向陳香盤二方珪二

色一黃一

青禮神制帛四

色黑

尊二玉爵二陶爵四又陶爵六

壺一實福酒盤一實胙肉凡牲陳於俎凡玉帛實

於篚凡尊實酒承以舟疏布冪勺具工部司官張

幄次於戟門內少東變儀衛設洗於次外樂部率

太常協律郎設中和韶樂於壝門內左右分東西



懸均南向陳文武二舞於樂懸之次如

北郊儀

右陳設

陳設畢太常寺博士引禮部侍郎一人升壇詣

正位前省眡盥盛及籩豆登俎之實以次詣

配位前周眡如儀

右省盥

辨行禮位壇壝門外正中為

皇帝行禮拜位南向拜殿之前夾甬道左右為陪祭王  
公拜位左翼居東右翼居西拜殿前東西隅為百  
官拜位文官郎中以上武官叅領世爵輕車都尉  
以上東西各五班均重行異等東位西上西位東  
上辨執事位壝門外司拜褥鑾儀衛官二人分立  
於

皇帝拜位左右東西面太常寺司祝一人立祝案西東  
面司爵四人司玉帛二人司帛二人司香二人光

祿寺卿二人太常寺贊賜福胙一人序立西案之  
西東面司香二人序立東案之東西面侍儀禮部  
尚書侍郎各一人立東案之南西面都察院左都  
御史副都御史各一人樂部典樂一人立西案之  
南東面司樂協律郎樂工歌工舞佾立位與

北郊同太常寺典儀一人在樂工之北西位東面接福胙  
侍衛二人立於壇門外東司拜褥官之次記注官  
四人立於侍衛之次均西面糾儀御史四人禮部

祠祭司官四人分立於陪祀王公百官拜位前引  
王公百官行禮鴻臚寺官二人分立於御史禮部  
官之次均東西面掌痊官率痊人立壇外西北隅  
右辨位

其日五鼓鑾儀衛陳

法駕鹵簿

詳見  
北郊祭儀

於

午門外陳金輦於

太和門外陪祀王以下公以上按翼集壇門外候

駕至隨行百官序立於壇門外左右祗候均東西面司  
祝恭奉祝版安於祝案日出前四刻禮部尚書一  
人率太常寺卿屬詣

神庫上香行禮恭請

神位以次奉安於

神座如儀

右請神位

太常寺卿赴

乾清門奏時

皇帝御祭服乘禮輿出宮至

太和門外降輿乘金輦鑾儀衛奉輦納陞內大臣侍衛前引後扈如常儀提鑪官執鐙官左右列行

午門鳴鐘鼓導迎樂陳而不作不陪祀王公以下文武各官咸朝服跪送

駕出闕右門至壇北門外神路東降輦納陞扶輦如前儀右贊引左對引太常寺卿二人恭導

皇帝入自北門之右至幄次少竢太常寺卿告奉安神位畢奏請行禮

皇帝出次鑾儀衛官跪奉盥奉巾如儀盥畢司拜褥官豫布拜褥於壇北門外正中贊引對引恭導

皇帝由拜殿出至壇北門外就拜位前南向立前引內大臣侍衛執鑪鐙官至拜殿外均止立後扈大臣隨侍鴻臚寺官引陪祀王公百官各就拜位序立典儀贊樂舞生登歌執事官各共迺職武舞執干

戚進贊引奏就位

皇帝就位立

右就次盥洗就位

典儀贊瘞毛血迎

神司

正位香二人升東西階分詣

神位前祇候司樂贊舉迎

神樂奏登平之章辭曰媼神蕃釐兮厚德隆嘉生繁祉



兮功化同壇壇儼肅兮風露融我稷翼翼兮黍苳  
苳望雲駕兮驟鸞龍植璧秉圭兮冀感通協律郎  
舉麾工鼓祝樂作贊引奏陞

壇暨對引官恭導

皇帝陞北階詣

太社位前對引官至北階上止立司香跪贊引奏跪  
皇帝跪奏上香司香進香

皇帝上炷香次三上瓣香興以次詣

太稷位前上香儀同贊引奏復位暨對引官恭導

皇帝復位立司

配位香二人由東西階分詣

后土勾龍氏

后稷氏位前跪上香畢各退贊引奏跪拜興

皇帝行三跪九拜禮王公百官均隨行禮協律郎偃麾

工夏敔樂止

凡樂以舉麾鼓柷作以偃麾夏敔止後同

右迎神

典儀贊奠玉帛行初獻禮司樂贊舉初獻樂奏茂  
平之章辭曰恪恭禋祀兮肅且雍清醑既載兮臨  
齋宮朝踐初舉兮玉帛共洋洋在上兮鑒予衷樂  
作司樂舉節舞千戚之舞凡舞以節領之  
導引進退後同有司揭  
尊罍勺挹酒實爵司玉帛奉玉帛司帛奉篚司爵  
奉爵均由北階升壇司玉帛詣

正位前司帛詣

配位前各跪獻篚奠於案三叩興司爵分詣

正位

配位前跪獻爵奠於塾中畢自西階退司祝至祝案  
前跪三叩興奉祝版升北階左就壇中少西跪樂  
暫止贊引奏跪

皇帝跪羣臣皆跪贊讀祝司祝讀祝辭曰維某年月日  
皇帝御名敢昭告於

社

稷之神曰惟

神贊輔

皇天

皇祇發生嘉穀立我烝民萬世永賴茲當仲春謹以玉帛

牲醴庶品

致祭  
報謝配以

后土勾龍氏

后稷氏尚

饗讀畢興奉祝版跪安於

太社位前籩內三叩興退自西階降樂作贊引奏拜興

皇帝率羣臣行三拜禮興樂止武功之舞退文舞執羽  
籥進

右初獻

典儀贊行亞獻禮司樂贊舉亞獻樂奏育平之章  
辭曰樂具入奏兮聲喤喤鬱鬯再升兮賓八鄉厚  
德配地兮佑家邦綏我豐年兮兆庶康樂作舞羽  
籥之舞司爵詣各

神位前跪奠爵於左儀如初獻獻畢樂止

右亞獻

典儀贊行終獻禮司樂贊舉終獻樂奏敦平之章  
辭曰方壇北宇兮神中央盈廷萬舞兮帔低昂酌  
酒三爵兮桂醑香清雖舊邦兮命溥將樂作

舞同  
亞獻

司爵詣各

神位前跪奠爵於右如亞獻儀獻畢樂止文德之舞退  
右三獻

既終獻太常寺贊禮郎一人詣祝案前東面立贊

賜福胙光祿寺卿二人奉福胙升階至

神位前拱舉退降北階左祇立於

皇帝拜位之右侍衛二人進立於左贊引奏跪

皇帝跪左右官皆跪奏飲福酒右官進福酒

皇帝受爵拱舉授左官奏受胙右官進胙

皇帝受胙拱舉授左官奏拜興

皇帝三拜興又奏跪拜興

皇帝率羣臣行三跪九拜禮典儀贊徹饌司樂贊舉徹



饌樂奏博平之章辭曰大房籩豆兮儼成行歆此  
吉蠲兮神迪嘗廢徹不遲兮餘芬芳桐生茂豫兮  
百穀昌樂作司玉帛詣案前跪叩奉方珪以退樂  
止

右受福胙徹饌

典儀贊送

神司樂贊舉送

神樂奏樂平之章辭曰孔蓋翠旌兮隨風颺龍輶容與

兮指天閭咫尺神靈兮隔穹蒼願流景祚兮貺皇  
章樂作贊引奏跪拜興

皇帝率羣臣行三跪九拜禮興樂止

右送神

典儀贊奉祝帛饌送瘞司祝司帛詣

神位前咸跪三叩司祝奉祝司帛奉篚興司香跪奉香  
司爵跪奉饌興以次恭送瘞所典儀贊望瘞司樂  
贊舉望瘞樂奏徵平之章辭曰玉既陳兮延景光

禮既洽兮恭瘞藏願神聽兮時予匡垂神祐兮永  
無疆樂作贊引奏禮成恭導

皇帝由壇北門出樂止

右望瘞

祀畢禮部尚書率太常寺卿屬恭請

神位復

御儀與迎

神同

皇帝至北門外神路東陞禮輿導迎樂作奏祐平之章  
辭曰分職三大康乂國家平土蕃穀降休中夏薦  
吉蠲神不遐遍九垓鵷祉嘉

午門鳴鐘不陪祀王公百官咸朝服跪迎王公隨  
駕入至內金水橋恭候

皇帝還宮各退太常寺官徹

乾清門齋戒牌銅人送寺

右乘輿回宮

因事祇告之禮遣官一人將事及執事官均致齋  
一日豫期翰林院具祝文隨事撰擬太常寺卿送內閣  
恭書受而奉諸

神庫飭屬備器陳至日五鼓設

太社

太稷神座於壇上薦鹿脯鹿醢兔醢棗榛葡萄桃實蓮  
實鑪鐙具階下中設一案少西北向供祝版司祝  
一人立於案西東面右設一案西向陳香盤二左

設一案東向陳禮神制帛二尊一罍勺具爵六司  
香司帛司爵各一人立於案後糾儀御史左右各  
一人立於案北均東西面典儀一人立於壇北左  
門東面雞初鳴遣官豫蒞於街門內贊引太常寺  
贊禮郎一人蒞於壇西隅均朝服黎明太常寺卿  
率屬恭請

太社

太稷神位入壇恭設座上如常祭儀遣官由街門入南

門循墮西行盡墮贊禮郎二人引詣墮北門外拜  
位前立典儀贊就位執事官各共迺職贊禮郎引  
遣官就位立典儀贊迎

神

以下禮儀節次  
皆典儀唱贊

司香奉香升東西階分詣香案前祇

俟贊禮郎贊升壇引遣官升北階詣

太社位前立贊跪遣官跪贊上香司香跪進香遣官上

炷香三上辦香興

凡遣官升降行禮  
皆贊皆引後同

次詣

太稷位前上香儀同贊復位引遣官自北階降復位行

三跪九叩禮興司帛奉籩司爵揭尊罍勺挹酒實爵行初獻禮以次升北階至

神案前跪奠帛於案三叩興奠爵執中皆退司祝詣祝案前跪三叩興奉祝版升北階至壇上正中跪讀畢興詣

太社位前跪安籩內三叩興退遣官三叩興亞獻奠爵於左三獻奠爵於右均如初送

神望瘞並同常祭儀贊禮郎贊禮畢引遣官仍由南門



出太常寺卿率屬恭請

太社

太稷神位還

御如儀各退

右因事祇告

孟夏常雩後歲間不雨既祈

天神

地祇

太歲越七日乃禱於

社稷並設

配位遣官一人將事文武官應陪祀者咸與祈禱致  
齋三日前期具祝文潔器陳備脯醢果實祭日陳  
玉帛樂懸樂舞執事官依次序立與常祀同遣官  
暨陪祀官素服就位行禮

迎神奏延豐之章辭曰九土博厚兮阜嘉生方壇  
五色兮祀孔明眎力穡兮服耕仰甘膏兮百穀用

成熙雲路兮瞻翠旌殷閭澤兮展精誠

初獻奏介豐之章辭曰神來格兮宜我黍稷兩主  
有邛兮馨明德壘尊湛湛兮千羽飭油雲澍雨兮  
溥下國

亞獻奏滋豐之章辭曰奏盥明兮申載觴龍出泉  
兮靈安翔周寰宇兮滂洋載神庥兮悅康

終獻奏霈豐之章辭曰帟容與兮奮皇舞聲遠姚  
兮震靈鼓爵三奏兮縮桂醕號屏來御兮德施普

徹饌奏綏豐之章辭曰協笙磬兮告吉蠲神迪嘗  
兮禮莫愆心齋肅兮增惕乾咨田峻兮其樂有年  
送神奏貽豐之章辭曰撫懷心兮神聿歸華蓋邈  
偈兮驂虬駢洪釐渥兮雨祁祁公私沾足兮孰知  
所為

望瘞奏溥豐之章辭曰宣祝嘏兮列瘞繒貺允答  
兮時欽承高原下隰兮以莫不興歌率育兮慶三  
登凡儀節皆典儀唱贊舉樂皆司樂唱贊初獻舞

干戚之舞亞獻終獻舞羽籥之舞與常祀同得雨則報用牲牢遣官暨陪祀官朝服行禮如常祀之儀若雨潦祈晴冬旱祈雪禮亦如之

右祈報儀

直省府州縣各建

社稷皆

社右

稷左異位同壇歲以春秋仲月上戊日致祭省會以

總督若巡撫一人主之有故則布政使攝事在城文武官縣丞千總以上咸與祭眡割牲省齎盛以布按二司叅政副使等官糾儀以教授訓導司香司帛司爵司祝司饌以丞倅通贊引贊引班以學弟子員閑禮儀者充之前期主祭官暨陪祭執事官各於公解致齋三日掃除壇壝內外祭之前夕掌饌潔備品物置案於神厨設香燭眡割牲官公服詣案前上香行三叩禮畢宰人牽牲告臚遂割

牲以豆取毛血瘞於坎及祭之日雞初鳴執事人  
入設案一於壇上正中北向陳鉶二實和羹簋二  
實黍稷簋二實稻粱籩四實形鹽棗栗鹿脯豆四  
實菁菹鹿醢芹菹兔醢若不能備各就土所有以  
其類充案前設俎陳羊一豕一又前設香案一陳  
祝文香盤鑪鐙左設一案東向陳篚一實帛二尊  
一爵六又設福胙於尊爵之次司祝一人司香帛  
二人司爵二人位案西東面階下之東設洗當階

為主祭官拜位其後為陪祭官拜位文東武西

班與

外朝賀禮同

通贊二人位階下左右糾儀官二人分位

陪祭官左右均東西面漏未盡主祭官及陪祭官

朝服畢集壇外引贊二人引省盥官入壇徧視牲

器酒齊饌者告潔退左右引班二人引陪祭官入

東西序立東班西面西班東面引贊二人引主祭

官入至階下盥手通贊贊執事者各司其事贊就

位引贊引主祭官引班引陪祭官咸就拜位立贊



迎

神引主祭官升詣香案前跪司香跪奉香主祭官三  
上香興贊復位引主祭官降階復位立贊跪叩興  
主祭官暨陪祭官行三跪九叩禮贊初獻引主祭  
官升詣

神位前跪司帛跪奉籩主祭官受籩恭獻仍授司帛  
興奠於案司爵跪奉爵主祭官受爵恭獻仍授司  
爵興分詣

社

稷位前各奠正中皆退贊讀祝引主祭官詣香案前  
跪陪祭官皆跪司祝三叩興奉祝文跪於右讀曰  
維某年月日某官某致祭於

社

稷之神曰惟

神奠安九土粒食萬邦分五色以表封圻育三農而  
蕃稼穡恭承守土肅展明禋時屆仲春敬修祀典

秋

庶九丸松栢鞏磐石於無疆翼翼黍苗佐神倉於  
不匱尚

饗讀畢三叩興以祝文復於案退贊叩興主祭官暨  
陪祭官三叩興贊復位引主祭官降階復位立贊  
亞獻引主祭官升詣

神位前獻爵於左贊終獻獻爵於右均如初獻儀贊  
賜福胙引主祭官升詣香案前跪司爵跪進福酒於  
右主祭官受爵拱舉司爵接爵興司饌跪進豆肉

於左主祭官受豆拱舉司饌接豆興各退贊叩興  
主祭官三叩興贊復位引主祭官復位立贊送  
神贊跪叩興主祭官暨陪祭官行三跪九叩禮贊徹  
饌執事官徹饌贊瘞祝帛執事官奉祝次香次帛  
次饌詣瘞所禮畢各退

監司分駐各府者各主其地

社稷之祭其他府州縣皆以長官主之長官有故則  
佐貳以次攝在城文官丞吏武官把總皆與祭眡

割牲省廩盛府州以佐貳縣以丞若史各一人糾  
儀府以教授訓導州以學正訓導縣以教諭訓導  
二人執事均用掾史贊相禮儀均於學弟子員內  
選充祭期牲帛器數及行禮儀節均與省會同

右直省府州縣祭社稷儀

欽定大清通禮卷六

欽定四庫全書薈要卷八千三百三十七

欽定大清通禮卷七

吉禮

朝日

甲丙戊庚壬年春分之朝

皇帝親詣東郊朝

日先二日禮部尚書一人至犧牲所眡牲如儀

右眡牲

是日太常寺卿率屬進齋戒牌銅人恭設於

乾清門如儀

皇帝乃齋於大內王公百官齋於邸第

右致齋

書祝版

祇祝版

儀均與  
北郊同

祀前一日黎明太常寺官設香案於

東郊宰牲亭外光祿寺少卿一人朝服上香御史禮部



祠祭司官眡宰人瘞毛血如儀

右眡割牲

是日太常寺官潔壇上下藉以稊薦設

神座於壇上西向工部司官張

皇帝拜次於西階上如式

右設神座張次

將祀之日夜分太常寺卿率屬入壇具器陳牛一  
羊一豕一登一鉶二簠簋各二籩豆各十琖三十

鑪一鐙二中設一案少北東向供祝版南設一案  
北向陳赤壁一禮神制帛一色赤香盤一尊一爵三  
並設福胙加爵一凡牲陳於俎凡玉帛實於篚凡  
尊實酒承以舟疏布冪勺具鑾儀衛設洗於具服  
殿外樂部率太常協律郎設中和韶樂及樂舞於  
壝門內南北分列器數與

北郊同

右陳設

陳設畢太常寺博士引禮部侍郎一人升壇眡玉帛盥盛及籩豆登俎之實如儀

右省盥

辨行禮位西階上幄次正中為

皇帝拜位東向陪祀王公位壇下左右各二班百官位  
壝門外左右各五班重行異等均東面左班北上  
右班南上辨執事位壇上太常寺司拜牌拜褥官  
各一人立於

皇帝拜位左右司祝一人司香一人司玉帛一人司爵  
一人光祿寺卿二人侍衛二人太常寺贊答福胙  
一人侍儀禮部尚書侍郎都察院左都御史副都  
御史樂部典樂各一人位南北序分立祝案尊案  
之次如常儀太常寺典儀一人司樂一人負南立  
於階下之左記注官四人於墮門外之右負北立  
糾儀御史四人禮部祠祭司官四人引禮鴻臚寺  
官四人分立王公百官拜位之次協律郎歌工樂

工舞佾分立樂懸之次傳贊二人循壝門內牆西  
立位均南北序南北面掌燎官率燎人立於壝外  
西南隅

右辨位

其日五鼓步軍統領勒所部清蹕除道自

東華門至

壇門

御道左右塗巷皆設布幃鑾儀衛陳

法駕鹵簿

詳見北郊祭儀

不陪祀王公百官朝服咸會祇

候送

駕如儀日出前八刻太常寺卿赴

乾清門奏時

皇帝御禮服垂禮輿出宮前引後扈如常儀

駕發警蹕

午門鳴鐘鼓

駕出東華門導迎樂前引不作提鑪執鐙官左右騎導

如詣

北郊之儀

駕至壇北門外降輿右贊引左對引太常寺卿二人恭導

皇帝入北門中門詣具服殿更衣祭服鴻臚寺官引陪祀王公於殿外侍衛後引陪祀百官南班於拜位南北面北班於路西東面序立祇候

右鑾輿出宮

卯初刻司祝恭奉祝版設於祝案禮部尚書一人率太常寺卿屬詣

神庫上香行禮恭請

大明神位奉安於

神座如儀太常寺卿至具服殿奏請詣

壇行禮

皇帝出次盥洗鑾儀衛官跪奉盥奉巾如儀司拜褥官豫布拜褥於壇上拜次贊引對引官恭導



皇帝入壝左門陞西階就拜位前東向立司拜牌官跪  
安拜牌退前引內大臣執鑪鐙官侍衛均於階下  
止立後扈大臣隨侍鴻臚寺官引陪祀王公百官  
均就拜位序立典儀贊樂舞生登歌執事官各共  
廼職武舞執干戚進贊引奏就位

皇帝就位立

右盥洗就位

典儀贊迎

神司香奉香進至

神位前祇竢司樂贊舉迎

神樂奏寅曦之章辭曰羲馭兮寅賓光煜爚兮紅輪春  
已融兮交泰循典禮兮明禋嚴大采兮祇肅神之  
來兮如雲協律郎舉麾工鼓祝樂作司拜牌官起  
拜牌贊引奏就上香位及對引官恭導

皇帝詣香案前對引官至祝案前止立司香跪贊引奏  
跪

皇帝跪奏上香司香進香

皇帝上炷香次三上瓣香興奏復位及對引官恭導

皇帝復位司拜牌官安拜牌贊引奏跪拜興

皇帝行三跪九拜禮傳贊贊跪叩興王公百官均隨行

禮

凡衆官行禮皆傳贊後同

協律郎偃麾工戛敔樂止

凡樂以舉麾鼓

祝作以偃麾戛敔止後同

右迎神

典儀贊奠玉帛司樂贊舉奠玉帛樂奏朝曦之章

辭曰杲黃道兮暉出東肅將享兮玉帛同美齊翼  
兮王君公盥以薦兮孚有顒樂作司玉帛奉篚詣  
神位前跪獻於案三叩興退樂止

右奠玉帛

典儀贊行初獻禮司樂贊舉初獻樂奏清曦之章  
辭曰御景風兮下帝局酌黃目兮椒其馨爵方舉  
兮歌且舞漾和盎兮龍旗青樂作司樂舉節舞干  
戚之舞

凡舞以節領之  
導引進退後同

有司揭尊冪勺挹酒實爵

司爵奉爵詣

神位前跪奠於墊中退司祝至祝案前跪三叩奉祝版  
跪案左樂暫止贊引奏跪

皇帝跪羣臣皆跪贊讀祝司祝讀祝辭曰維某年月日  
嗣天子御名謹告於

大明之神曰惟

神陽精之宗列神之首

神光下照四極無遺功垂今昔率土仰賴茲當仲春式

遵古典謹以玉帛牲醴之儀恭祀於

神伏惟

鑒歆賜福黎庶尚

饗讀畢興奉祝版跪安

神位前篚內三叩興退樂作贊引奏拜興

皇帝率羣臣行三拜禮興樂止武功之舞退文舞執羽

籥進

右初獻

典儀贊行亞獻禮司樂贊舉亞獻樂奏咸曦之章  
辭曰再舉勺兮鬱金香嘉樂合兮舞洋洋德恢大  
兮神哉沛澹容與兮進霞觴樂作舞羽籥之舞司  
爵奉爵詣

神位前跪獻爵於左儀如初獻獻畢樂止

右亞獻

典儀贊行終獻禮司樂贊舉終獻樂奏純曦之章  
辭曰式禮莫愆兮昭清終以告虔兮休成願神且

留兮鑒茹以妥以侑兮忱誠樂作

舞同  
亞獻

司爵奉爵

詣

神位前跪獻爵於右如亞獻儀獻畢樂止文德之舞退

右三獻

既終獻太常寺贊禮郎一人詣祝案前立贊答福  
昨光祿寺卿二人就南案奉福昨至

神位前拱舉退祇立於

皇帝拜位之右侍衛二人進立於左贊引奏跪



皇帝跪左右官皆跪奏飲福酒右官進福酒

皇帝受爵拱舉授左官次受胙如飲福之儀奏拜興

皇帝三拜興又奏跪拜興

皇帝復行二跪六拜禮王公百官均隨行禮典儀贊徹饌司樂贊舉徹饌樂奏延曦之章辭曰物之備兮希德馨神欲起兮景杳冥徹不遲兮咸肅穆照臨下土兮瞻曜靈樂作司玉帛詣

神位前跪叩奉赤壁以退樂止

右受福胙徹饌

典儀贊送

神司樂贊舉送

神樂奏歸曦之章辭曰雲車征兮風馬翔焱萬里兮臨  
萬方報神功兮以時享祈神祐兮永無疆樂作贊  
引奏跪拜興

皇帝率羣臣行三跪九拜禮興樂暫止典儀贊奉祝帛  
饌送燎司祝司帛詣

神位前咸跪三叩司祝奉祝司帛奉篚興司香跪奉香  
司爵跪奉饌興以次恭送燎所

皇帝轉立拜位旁北向

司拜褥官  
徹拜褥

俟祝帛過

仍布  
拜褥

皇帝復位立樂作陪祀王公百官退班贊引奏禮成恭  
導

皇帝出壇左門入具服殿更衣樂止

右送神燎祝帛

祀禮既成禮部尚書率太常寺卿屬恭請

神位復

御儀與迎

神同贊引恭導

皇帝出具服殿至壇北門外乘禮輿

法駕鹵簿前導導迎樂作奏祐平之章辭曰雖肅音送  
瞰出自東兼燭垂曜與天同用秩典修皇敬通表  
瑞輝揚至公

皇帝回鑾王公從各官以次退不陪祀王公百官仍朝

服祗候

駕至跪迎

午門鳴鐘樂止王公隨

駕入至內金水橋恭候

皇帝還宮退太常寺官徹

乾清門齋戒牌銅人送寺

右回鑾

常歲遣官朝

日之禮先二日禮部尚書詣犧牲所眡牲承祭官暨陪  
祀文武百官均於邸第致齋先一日太常寺以祝  
版送內閣恭書

皇帝遣某官某餘辭同前

凡遣官同

受而奉諸

東郊神庫御史禮部祠祭司官光祿寺少卿朝服眡割  
牲瘞毛血有司供具並如儀及祀之日雞初鳴遣  
官朝服祇赜於壇外禮部侍郎省齋太常寺卿率  
屬恭請

神位設於座訖卯初刻遣官由壇北左門入壇右門行  
禮於階下上香時贊升壇升降均由右階不飲福  
受昨王公不陪祀贊引以太常寺贊禮郎祝帛送  
燎遣官避立北旁餘均如前儀

右遣官儀

夕月

丑辰未戌年秋分之夕

皇帝親詣西郊夕

月先二日禮部尚書一人至犧牲所眡牲如儀

右眡牲

致齋

書祝版

眡祝版

儀均與

東郊同

祀日未明割牲於

西郊宰牲亭內光祿寺少卿及御史禮部祠祭司官朝

服眡宰宰人瘞毛血儀與



東郊禮同

右眡割牲

侵晨太常寺官潔壇上下藉以稷薦張

神幄設

夜明神座專案東向設

配位北斗七星次

木火土金水五星次

二十八宿次

周天星辰神座同案南向工部司官張

皇帝拜次於卯階上如式晡後太常寺卿率屬入壇具

器陳

夜明位前牛一羊一豕一登一鉶簠簋各二籩豆各十

琖三十鑪一鐙二

星辰位同中設一案少南西向供祝版北設一案南

向陳

夜明前白壁一禮神制帛一

色白

香盤一尊一爵三並設

福祚加爵一

星辰位前禮神制帛十有一

色青赤黑黃  
各一白七

香盤一尊

一爵三凡牲陳於俎凡玉帛實於篚凡尊實酒承  
以舟疏布冪勺具鑾儀衛設洗於具服殿外樂部  
率太常協律郎陳設樂懸舞佾與

東郊同

右設神座供張陳設

省盥

儀同  
東郊

辨行禮位卯階上幄次正中為

皇帝拜位西向分獻官一人位壇下之左當階陪祀王公位壇下左右百官位壝門外左右均西面左班南上右班北上辨執事位壇上太常寺司拜牌拜褥官各一人立於

皇帝拜位左右司祝一人司香二人司玉帛一人司帛一人司爵二人光祿寺卿二人侍衛二人太常寺贊答福胙一人侍儀禮部尚書侍郎都察院左都

御史副都御史樂部典樂各一人位南北序分立

祝案尊案之次如常儀太常寺典儀一人司樂一

人負北立於階下之右贊禮郎二人立分獻官位

左右記注官四人於壝門外之左負南立糾儀御

史四人禮部祠祭司官四人引禮鴻臚寺官四人

分立王公百官拜位之次協律郎歌工樂工舞佾

分立樂懸之次傳贊二人循壝門內牆東立位均

南北序南北面並與

東郊禮同掌燎官率燎人立於壇外東北隅

右辨位

申刻太常寺卿赴

乾清門奏時

皇帝御禮服乘輿出宮前引後扈如常儀鹵簿前導出

西華門詣

西郊與

東郊禮同

駕至壇北門外降輿右贊引左對引太常寺卿二人恭導

皇帝入北門中門詣具服殿更祭服太常寺贊禮郎引分獻官於壇右門外北面立鴻臚寺官引陪祀王公於殿外侍衛後引陪祀百官南班於拜位南北面北班於路東西面序立祇候

右鑾輿出宮

酉初刻司祝恭奉祝版設於祝案禮部尚書一人

率太常寺卿屬詣

神庫上香行禮恭請

神位入壇以次安奉座上如儀太常寺卿至具服殿奏  
請詣

壇行禮

皇帝出次盥洗鑾儀衛官跪奉盥奉巾如儀司拜褥官  
豫布拜褥於壇上拜次贊引對引官恭導

皇帝入壇左門陞卯階就拜位前西向立司拜牌官跪



安拜牌退前引內大臣提鑪官侍衛均於階下止  
立後扈大臣隨侍贊禮郎引分獻官鴻臚寺官引  
陪祀王公百官均就拜位序立典儀贊樂舞生登  
歌執事官各共迺職武舞執干戚進贊引奏就位  
皇帝就位立

右盥洗就位

典儀贊迎

神司香奉香進至

神位前祇竢司樂贊舉迎

神樂奏迎光之章辭曰繼日代明兮象麗天式遵九道  
兮臨八埏玉律分秋兮西顙躔聿修祕祀兮樂在  
縣協律郎舉麾工鼓祝樂作司拜牌官起拜牌贊  
引奏就上香位及對引官恭導

皇帝詣香案前對引官至祝案前止立司香跪贊引奏  
跪

皇帝跪奏上香司香進香

皇帝上炷香次三上辦香興奏復位及對引官恭導

皇帝復位司拜牌官安拜牌贊禮郎引分獻官由北階

### 升詣

星辰位前上香畢降階復位贊引奏跪拜興

皇帝行二跪六拜禮傳贊官贊跪叩興王公百官均隨

行禮

凡衆官行禮皆傳贊後同

協律郎偃麾工戛敔樂止

凡樂舉

麾鼓祝作以偃麾戛敔止後同

### 右迎神

典儀贊奠玉帛行初獻禮司樂贊舉初獻樂奏升  
光之章辭曰少采兮將事玉帛兮載陳式舉黃流  
兮挹犧尊邊豆靜嘉兮肴核芬樂作司樂舉節舞  
干戚之舞凡舞以節領之  
尊引進後同有司揭尊罍勺挹酒實  
爵司玉帛奉玉帛詣

夜明位前司帛奉篚詣

星辰位前跪獻於案皆三叩興司爵奉爵分詣各案  
前跪奠於塾中皆退司祝至祝案前跪三叩奉祝

版跪案左樂暫止贊引奏跪

皇帝跪羣臣皆跪贊讀祝司祝讀祝辭曰維某年月日  
嗣天子御名謹告於

夜明之神曰惟

神配陽之德鍾陰之精周環九野普照萬方繼明於夕  
天下共賴茲當仲秋式遵古典謹以玉帛牲醴庶  
品之儀致祭惟

神歆鑒福我兆民尚

饗讀畢興奉祝版跪安

夜明位前篚內三叩退樂作贊引奏拜興

皇帝率羣臣行三拜禮興樂止武功之舞退文舞執羽  
籥進

右奠玉帛初獻

典儀贊行亞獻禮司樂贊舉亞獻樂奏瑤光之章  
辭曰齊醴兮載獻神之來兮肅然仰盼蠻兮鑒顧  
挹清光兮几筵樂作舞羽籥之舞司爵奉爵分詣

各案前跪獻於左如初儀樂止

右亞獻

典儀贊行終獻禮司樂贊舉終獻樂奏瑞光之章  
辭曰曼瑟鳴琴兮銅玉鏘神嘉虞兮申三觴金波  
穆穆兮珠煥黃休嘉砰隱兮溢四方樂作舞同  
爵奉爵分詣各案前跪獻於右如亞獻儀樂止文  
德之舞退

右三獻

既終獻太常寺贊禮郎一人詣祝案前北面立贊  
答福胙

皇帝飲福受胙如

東郊儀贊引奏拜興

皇帝三拜興又奏跪拜興

皇帝復行二跪六拜禮王公百官均隨行禮典儀贊徹  
饌司樂贊舉徹饌樂奏涵光之章辭曰對越在天  
兮禮成徹登豆兮湛露零神悅懌兮德馨世曼壽



兮安以寧樂作司玉帛詣

神位前跪叩奉白璧以退樂止

右受福胙徹饌

典儀贊送

神司樂贊舉送

神樂奏保光之章辭曰駕卿雲兮景星御和風兮霞軒  
神留俞兮壇宇福率土之黃丁樂作贊引奏跪拜

興

皇帝率羣臣行二跪六拜禮興樂暫止典儀贊奉祝帛  
饌送燎司祝司帛詣

神位前咸跪三叩司祝奉祝司帛奉篚興司香跪奉香  
司爵跪奉饌興以次恭送燎所

皇帝轉立拜位旁南向  
司拜褥官  
徹拜褥 俟祝帛過  
仍布  
拜褥

皇帝復位立樂作陪祀王公百官退班贊引奏禮成恭  
導

皇帝出壇左門入具服殿更衣樂止

右送神燎祝帛

祀禮既成禮部尚書率太常寺卿屬恭請

神位復御儀與迎

神同贊引恭導

皇帝出具服殿至壇北門外乘禮輿

法駕鹵簿前導導迎樂作奏祐平之章辭曰殷仲嘗酌  
華黍若油興穀繁祉受符天後湧桂華凝彩旂玉

燭調千萬秋

皇帝回鑾王公從各官以次退不陪祀王公百官仍朝服祇候

駕至跪迎

午門鳴鐘樂止王公隨

駕入至內金水橋恭候

皇帝還宮退太常寺官徹

乾清門齋戒牌銅人送寺

右回鑾

常歲遣官夕

月之禮先二日眡牲承祭官分獻官及陪祀官均於邸第致齋先一日書祝版眡割牲有司供具如儀祀日未刻承祭官分獻官朝服豫蒞壇外禮部侍郎省盥太常寺卿屬恭設


神位訖酉初刻遣官由壇北左門入壇右門分獻官隨入承祭官行禮於壇下上香時贊升壇升降由南階分獻官位在其左升降由北階不飲福受胙王

公不陪祀贊引以太常寺贊禮郎祝帛送燎遣官  
避立南旁餘均如前儀

右遣官儀



欽定大清通禮卷七



總校官庶吉士

臣

張能照

校對官編修

臣

閔惇大

校對官庶吉士

臣

翟槐

謄錄監生

臣

任益春

謄錄舉人

臣

孫潢